

欽定四庫全書

子部

針灸問對卷下



南京中医药大学图书馆版权所有

詳校官太醫院吏目臣吳尊變

編修臣倉聖脈覆勘

欽定四庫全書

針灸問對卷十

問曰病有宜灸者有不宜灸者有不可灸者有宜灸之者有不可灸者有宜灸之者有不可灸者

明 汪機 撰

者可得聞歟

沉寒痼冷二則無脉知

舍此三者餘皆不可灸

針灸問對卷十 惟陰與陽二氣而已陽

在外在上陰在內在下今言陷下者陽氣下陷入陰血之中是陰反居其上而覆其陽脉証俱見寒在外者則
灸之夫病有邪氣陷下者有正氣陷下者邪氣陷下者是經虛氣少邪入故曰感虛乃陷下也故諸邪陷下在經者宜灸之正氣陷下宜藥升之如補中益氣之類

經曰北方之人宜灸熇也為冬寒大旺伏陽在內皆宜灸之以至理論則腎主臟藏陽氣在內冬三月主閉藏是也若太過則病固宜灸熇此陽明陷入陰水之中是也

難經云熱病在內取會之氣穴為陽陷入陰中取陽氣
通天之竅穴以火引火而導之此宜灸也若將有病者
一槩而灸之豈不悞哉 仲景云微數之脉慎不可灸
因火為邪則為煩逆追虛逐實血散脉中火氣雖微內
攻有力焦骨傷筋血難復也又云脉浮宜以汗解用火
灸之邪無從出因火而盛病從腰以下必重而痺名
火逆也脉浮熱甚而灸之此為實實因火而動必咽燥
唾血又云身之穴三百六十有五其三十穴灸之有害

七十九穴刺之為災并中髓也 經之所見邪之所在

脉沉者邪氣在內脉浮者邪氣在表世醫只知脉之說
不知病證之禁忌若表見寒証身汗出身常清數慄而
寒不渴欲覆厚衣常惡寒手足厥皮膚乾枯其脉必沉
細而遲但有一二証皆宜灸之陽氣下陷故也若身熱
惡熱時見躁作或面赤面黃噤乾咽乾口乾舌上黃赤
時渴咽噤痛皆熱在外也但有一二証皆不宜灸其脉
必浮數或但數亦不可灸灸之災患立生若有鼻不聞

香臭鼻流清涕眼臉時癢或欠或嚏惡寒其脉必沉是
脉證相應也或輕手得弦緊者是陰伏其陽也雖面赤
亦宜灸不可拘于面赤也機按素難諸書皆言陽氣陷
下者脉沉遲也脉證俱見寒在外者冬月陰寒大旺陽
明陷入陰水之中者並宜灸之設脉浮者陽氣散於肌
表者皆不宜灸丹溪亦曰夏月陽氣盡浮于表今醫灼
艾多在夏月寧不犯火逆之戒乎或者因火而生熱脹
發黃腰痺咽燥唾血者徃徃有之尚不知為火逆所致

寧甘心於命運所遭悲夫經曰春夏養陽以火養陽安有是理論而至是雖愚亦當有知者焉

或曰嗽病多矣肺俞風門何如

曰肺主氣屬金行秋之令喜清而惡熱受火所制為華蓋居四藏之端飲食入胃熱氣上蒸兼之六部有傷痰火俱作發而為欬為嗽其痰多者顯是脾之濕濁隨火上升為嗽其痰少者肺火抑鬱不得宣通為欬欬形屬火痰形屬濕風門肺俞二穴明堂銅人皆云治嗽今人

見有痰而嗽無痰而欬一槩於三伏中灸之不計壯數
二穴切近華蓋而欬與嗽本因火乘其金茲復加以艾
火燔灼金欲不傷得乎況三伏者火旺金衰故謂之伏
平時且不可灸而況於三伏乎夫治嗽當看痰與火孰
急無痰者火旺金衰十死七八瀉火補金間或可生痰
多者濕盛也降火下痰其嗽自愈縱灸肺俞風門不過
三壯五壯瀉其熱氣而已固不宜多灸三伏之中更不
宜灸也

或曰頭目之疾灸之何如

曰手之三陽從手至頭足之三陽從頭走足督脉自尾
閭抵脊上頭至人中頭者手足三陽與督脉所會之地
故冬月之寒頭無所畏美酒之飲面為之赤是皆諸陽
所致也今有頭風頭暈中風發致眼目耳鼻等疾輒於
頭部諸穴多灼艾炷是猶抱薪救火安能濟耶當看病
在氣分血分分類施治庶得其宜縱使應灸亦不過三
壯五壯以瀉熱氣而已眼目疼痛多由血熱豈宜妄灸

助熱以傷其血哉

或曰人言無病而灸以防生病何如

曰人之有病如國之有盜須用兵誅其兵出于不得已也針灸治病亦不得已而用之人言無病而灸如破船添釘又言若要安膏肓三里不要乾此世俗之通論予獨以為不然夫一穴受灸則一處肌肉為之堅硬果如船之有釘血氣到此則澁滯不能行矣昔有病跛者邪在足少陽分自外踝以上循經灸者數穴一醫為針臨

泣將欲接氣過其病所纔至灸癰止而不行始知灸火之壞人經絡也或有急證欲通其氣則無及矣邪客經絡為其所苦灸之不得已也無病而灸何益於事

或曰膏肓治百病而諸家取穴之法不同何歟

曰高下各去髀骨一側指許是穴不可失之狹狹則內犯大筋不可失之濶濶則外犯髀骨必須大筋之外髀骨之內空處按之覺與前胸乳間膈膜相應乃是真穴舊傳取兩乳間量則分作八寸以比橫寸之則量之于

背蓋人有生而背突者背常濶而胸常狹胸突者胃常濶而背常狹安能保其無過與不及焉又有兒時偏卧一邊以致背有邊濶邊狹者亦不可以邊之濶狹為拘但當隨其一邊濶狹相去髀骨一側指許為正也人之項有二大筋夾脊而下兩筋外空為第二行穴俞穴俞外又有二大筋大筋外空為第三行穴俞膏肓係在三行魄戶之下神堂之上若點穴不出髀骨一側指許則傷筋骨非真穴也世人又有四肋三問之說揣按自大

難至三節之下四節之上准望於三四椎間定穴指為
四肋三間用之不疑瘦人椎骨分曉用之可也肥人揣
按實難又以指節寸量開三寸取穴背高而狹者全不
合四肋三間之說矣嘗是灸一骨立之人用側指許法
點之方大悟四肋三間之妙蓋人之髀骨微有少曲髀
骨下廉上廉四肋之內自有三間膏肓正在四肋三間
之中即非脊骨三四椎之間也世人多灸之者蓋膏肓
神明所居或為邪干則脂膏銷鑠育膜瘦薄灸之而病

或安者以三焦主氣為諸陽之府氣病則陽虛而陰不得相附膏肓在三焦部分氣之所聚而行於諸陽宜其主於氣病也若治血病吾未見其可者晉侯夢二豎子在膏肓間非秦緩不能灸也以陽氣將絕邪得專之故也

或曰古謂癰疽始發灸之可使輕淺何謂也

丹溪曰用火以暢達拔引鬱毒此從治之意惟頭為諸陽所聚艾炷宜小而少若身上痛則灸至不痛不痛須

灸至痛有因灸而死者蓋虛甚孤陰將絕其脉必浮數而大且鼓精神必短而昏無以抵當火氣宜其危也

或曰灸之不發何如

羅氏曰覃公四十九歲病臍腹冷疼完穀不化足跗寒逆精神困弱脉沈細微灸氣海三里陽輔三日後以蔥熨灸瘡皆不發復灸數壯亦不發十日後全不作膿瘡乾而愈針書曰凡用針氣不至不効灸之亦不發大抵血氣空虛不能作膿失其所養故也加以不慎邪氣加

之病必不退或曰覃公所養無不如意何謂失其所養
曰君言所養口體者也此論所養性命者也覃公壯年
得志務快其心血氣空虛以致此耳

或曰灸有補瀉乎

經曰以火補者無吹其火須自滅也以火瀉者疾吹其
火傳其艾須其火滅也虞氏曰灸法不問虛實寒熱悉
令灸之亦有補瀉乎曰虛者灸之使火氣以助元氣也
實者灸之使實邪隨火氣而發散也寒者灸之使其氣